

乾隆府廳州縣圖志

雲南

雲南全圖

統計十四府三廳四直隸州

雲南府

昆明 富民 宜良 羅次 晉寧州 呈貢 曲靖

府南甯

安甯州 祿豐 昆陽州 易門 嵩明州 建水 石

迷州

尋甸州 平彝 宣威州 臨安府 屏山 西

普甯

通海 河西 澂江府 興州 路南州 新 廣南

府寶甯

文山 東川府 會澤 昭通府 恩安 鎮雄州 永善 普洱

府普洱

大理府 太和 趙州 雲南 鄧川州 浪穹 楚雄

府楚雄

鎮南州 賓川州 雲龍州 又長官司 騰越州 永

撫司六長官司一

順甯府 順甯 麗江府 麗江 劍川州 景東

廳蒙化廳

永北廳 管土 廣西州 彌勒 武定州 元謀 勸

元江州

新平 鎮沅州 恩樂





雲南境眾水歸合表

直隸州屬州縣圖志卷

澗水

無量河

蘇溪

永平河

蒲縹河

橋水

若水

枯木河

漾濞江

順甸河

入灣塘水

楊宗海水

卑水

三道河

羅梭江

猛麻河

回環河

白龍潭水

青蛉水

荅旦河

棘蕨江

巴景河

南甸河

仙湖水

滇池水

大羅河

沙木河

康郎河

分水嶺水

小曲江

鴉龍江

大姚河

又馬龍江流至

交趾入南海龍

樂蒙河

清水河

漾共江

一泡江

龍川江

又河底江等水

並入安南國界

九龍河

龍川江

又河底江等水

並入安南國界

川江橫柯江皆

西南入緬國界

又馬龍江流至

金沙江

瀾滄江

潞江

溫水

卽古繩若水所會

又名神川又名麗

水一名瀘水入四

川境爲馬湖江

本名蘭倉水一名

黑水下至安南國

入海

一名怒江下

一名入達河

下流名盤江

乾隆府廳州縣圖志卷四十五

賜進士及第翰林院編修充 國史館纂修官 臣洪亮吉撰

雲南布政使司

雲南府

衝繁疲難

原額軍民人丁共二萬六千七百九十四又滋生人丁共七千八百二十四

禹貢梁州荒裔戰國時爲滇國漢元封二年開置益州郡治滇池縣三國漢建興改爲建寧郡晉泰始七年分置甯州太安二年復增置益州郡永嘉二年改爲晉寧郡梁陳入于爨蠻隋初立昆州尋廢唐武德元年復昆州貞觀六年屬戎州都督府天寶末爲南詔蒙氏所據置善闡府歷五代及宋爲大理國段氏地元憲宗五年置鄯闡萬戶府至元十三年改爲中慶路雲南中書行省治焉明洪武十五年改曰雲南府爲布政使司治

本朝因之爲總督雲南貴州部院巡撫部院布政使司按察使

司治所糧儲道鹽法道並駐此通判分駐南關

府境

東西距三百七十里
南北距二百九十八里

八到

東至激江府路南州界一百二十五里
西至楚雄府廣通縣界一百四十五里
南至激江府新興州界一百五十五里
北至曲靖府尋甸州界一百四十三里
東南至激江府河陽縣界八十四里
西南至楚雄府南安州界四百二十二里
東北至尋甸州界二百三十里
西北至武定州舊和曲界一百六十里
自府治至京師八千二百里

土貢

鐵 鹽 烏帕 布 太華茶 拐棗 巨竹 牛黃
銀硃 鉛粉 黃丹 芸香草 鏡面草 金綫魚

管縣七州四

昆明 富民 宜良 羅次 晉甯州 呈貢 安甯

州 祿豐 昆陽州 易門 嵩明州

昆明縣

衝繁疲難郭下

有寶滇錢局板橋滇陽二驛

漢置建伶縣屬益州郡晉爲晉寧郡治梁後沒于蠻隋屬昆州
唐置益寧縣爲昆州治天寶中沒于南詔五代石晉後又爲段
氏所據元憲宗四年立昆明千戶至元十三年置善州並置昆
明縣尋廢州以縣爲中慶路治明爲雲南府治

金馬山在縣東二十五里西對碧鷄山相距五十餘里其中卽
滇池漢宣帝遣諫大夫王褒至益州祀金馬碧鷄之神卽此漢
書注如淳曰金形似馬碧形似鷄

滇池在縣南及呈貢晉寧昆陽三州縣界亦曰昆明池史記楚
威王時將軍莊躋至滇池地方三百里旁平地肥饒數千里班
固云滇池縣滇池澤在西北有黑水祠元史昆明池五百餘里
夏潦必冒城郭張立道爲大理等處勸農使求泉源所自出洩

其水得地萬餘頃皆爲良田又盤龍江在縣東五里滇池之上源

漢穀昌故城在縣北建伶故城在府治西北隋廢昆州在縣西元官渡廢縣在縣東南

富民縣

簡東南至府七十里

漢置秦臧縣屬益州郡晉屬晉寧郡梁後沒于蠻唐復置秦臧縣屬昆州天寶後又沒于蠻號黎囊旬元至元四年立黎囊千戶十三年改置富民縣

堂狼川在縣東卽安甯河滇池之下流晉書李驥等寇甯州王遜使姚岳爨琛拒之戰于堂狼大破驥等

秦臧故城在縣境

宜良縣

繁西至府一百二十里

漢滇池縣地唐爲昆州地後蠻酋羅氏築城于此號羅哀龍元
憲宗六年立大池千戶至元十三年升宜良州治大池縣二十
二年罷州爲縣省大池入之

大池江在縣南八十里大赤江在縣北五里東流注大池江

大池廢縣在縣東元大赤廢縣在縣西

羅次縣

簡東南至府一百三十里

漢益州郡地唐時爲烏蠻羅部所居南詔蒙氏爲扶耶縣宋時
大理高量成令高連慶治其地元至元十三年置羅次州二十
四年改州爲縣二十七年屬安甯州明宏治十二年改屬雲南
府

星宿江源出縣北二十五里百花山與和曲分界處

羅部城在縣南二十五里扶耶城在縣境

晉寧州

繁難北至府九十里

漢滇池縣爲益州郡治晉屬晉寧郡梁後沒于蠻隋開皇中置
昆州尋廢唐武德初復置晉寧縣天寶後入于蒙氏爲陽城堡
部段氏因之元憲宗七年立陽城堡萬戶至元十三年改爲晉
寧州

滇池故城在州東元大甫廢縣在州南二十里

古土城在州西北

呈貢縣

難北至府四十里

漢滇池縣地有呈貢故城世爲夢莫強宗部蠻所居元憲宗六
年立呈貢千戶至元十三年置呈貢縣

元歸化故城在縣東南本朝康熙八年省縣入呈貢

安寧州

衝繁東至府七十里

有陸表安寧二驛

漢置連然縣屬益州郡晉屬晉寧郡梁後沒于蠻隋爲昆池地
唐武德初改置安甯縣後爲烏白蠻遷居元憲宗七年隸陽城
堡萬戶府至元三年立安甯千戶十二年改爲安甯州

州故城在州治南明萬歷四年移今治江東廢縣在州東南
鹽井在州西有大井石井河中井大界井新井並產鹽班固云
連然有鹽官是也

祿豐縣

衝東南至府二百十里

有祿豐驛

唐安甯縣地後爲烏雜蠻所居宋時大理高智昇令子義勝治
其地元初隸安甯千戶至元十三年始置祿豐縣屬安甯州明
屬雲南府

昆陽州

疲難北至府一百二十里

唐昆州地天寶後爲南詔所據曲縛蠻居之段氏時隸善闡元

時立巨橋萬戶至元十三年改爲昆陽州

元三泊故城在州西北康熙八年省縣入州雍正三年又以三

泊故地改入安甯州河西廢縣在河西鄉

巨橋城在州境華納城在州西北鐵冶所在州南二十里產鐵

易門縣

簡東北至府二百五十里

漢益州郡地後爲烏蠻所居宋時段氏使高福世守其地元至

元四年立洩門千戶所隸巨橋萬戶十三年改爲易門縣隸昆

陽州明屬雲南府

縣故城在今縣南三十里

嵩明州

衝難西南至府一百三十里

有楊林驛

漢益州郡地後爲蠻所據名其地曰嵩明蒙氏改爲嵩盟部元

憲宗六年立嵩明萬戶府至元十三年改爲長州十五年升爲

嵩明府二十二年復改爲嵩明州

元楊林故城在州南三十五里邵甸故縣在州西十里

曲靖府

衝繁疲難

原額軍民人丁共一萬五千一百五十二滋生人丁共三千九百五十

晉以前同雲南府齊改建甯郡曰左建平郡梁末甯州及郡俱廢隋置恭州協州地唐武德初開置南甯州四年置總管府八年更名郎州開元五年復故名曰南甯州隸戎州都督府天寶末没于蒙氏宋時段氏因之後爲摩彌部所據元初內附置摩彌部萬戶至元八年改爲中路十三年改曲靖路總管府二十五年升爲宣撫司明洪武中改爲曲靖軍民府

本朝因之乾隆中爲曲靖府分巡迤東道駐此

府境

東西距三百九十里
南北距六百二十里

八到

東至貴州普安州界一百七十里
西至雲南府嵩明州界二百二十里

南至廣西州界一百七十里

北至貴州威寧州界四百五十里

東南至普安州界二百五十八里

西南至潯江府路南州界一百三十里

東北至威寧州界二百七十里

西北至武定州祿勸縣界四百六十七里

自府治至京師七千九百里

土貢

鐵 石綠 棉花

管縣二州六

南甯

霑益州

陸涼州

馬龍州

羅平州

尋甸

州

平彝

宣威州

南甯縣

衝難郭下

有泉關驛巡檢一駐白水

漢置味縣屬益州郡三國漢爲建甯郡治晉分置同樂縣齊以同樂縣爲郡治味縣屬焉梁末入于蠻唐復置味縣爲南甯州

治天寶末入于蠻蒙氏改置石城郡宋時段氏據之後又爲烏蠻摩彌部據此元初置千戶隸摩彌部萬戶府至元中升爲南甯州二十二年改爲南甯縣明省越州石堡山之地入之

温水今名南盤江上流爲八達河源出霑益州花山洞南流入縣東北爲瀟湘江又南至陸涼州滙爲中延澤折西爲大赤江下流至廣西南甯府境合鬱水班固云温水東至廣鬱入鬱過郡二行五百八十里

縣故城在今縣西十五里平川中唐石城故城在縣北二十里五代晉天福二年南詔爲楊于貞所篡其故臣段思恭借兵東方諸爨起兵石城今城北有一碑乃段氏與三十七部立盟之所又元越州故城在縣東南十五里南城村霑益故城在縣東北二百十三里漢平夷廢縣在縣境蜀志章武元年以李恢爲

康降都督使持節領交州刺史住平夷縣晉永嘉五年甯州刺史王遜分牂柯朱提建甯立平夷郡

霑益州

衝繁難南至府三十里

有松林炎方二驛巡檢駐炎松

漢宛溫縣地三國漢屬興古郡晉爲宛暖縣地唐初置西平州貞觀中改爲盤州天寶末入于蠻獫狁二種居之後又爲摩彌部所據元初隸摩彌萬戶府至元中改置霑益州領交水石梁羅山三縣隸曲靖路明永樂初省三縣入州隸曲靖府石梁故城在州東北五十里石梁山羅山故城在州東南一百二十里平夷鄉

陸涼州

疲難北至府一百二十里

漢平夷縣地三國漢屬興古郡晉置同樂縣唐初復置平夷縣天寶末入于蠻南詔時號落溫部元初置落溫千戶屬落蒙萬